

ԱՆՅՈՐԴԸ ԵՒ ԻՐ ՃԱՄԲԱՆ

(ԲԱՆԱՍՏԵՆԾԻ ՅՈՒՇԵՐԻՑ)

Գրեց՝ ԿՈՍՏԱՆ ՋՈՐԵԱՆ

ՊԱՐԼԱՄԵՆՏԻ ԴՐՕՇԱԿԸ

Սեպտեմբեր .—

ՆՈՐ տուն՝ նոր ապրումներ:

Տունը Թարխանեան փողոցումն է, Երեւան: Թրքաց նախկին այս մասում ամառը փոշի է, ձմեռը ցեխ: Աղքատ եւ լուռ մի փողոց է, որ կիսաքանդ, գունաթափուած եւ խոնարհ իր շէնքերի հետ միասին նախ թաւալ է դալիս, ապա ընկճուած, սողոսկուած, փլած իր ուսերով մազլցում մայթերի վրայ, յետոյ շիտակ վազում է ու վերջանում դէրոյով՝ գլուխը մռայլ մի չեօլի դէմ ճղմուած:

Տարուայ բոլոր եղանակներին պարապը պատուած կօշիկներով ման է դալիս, անձրեւի հետ խօսում, արեւի տակ կիզում եւ բորոտ տունների ջնշին էութեան մասին անձայն եւ տըխուր մի երգ ասում: Հազուադիւս անցորդների ոտքերից նա կախում է ծանր շղթայի նման, յափշտակում է ձայն եւ աղմուկ, տանիքների վրայ լայն ծակեր է բաց անում, պատերի տակ խաւար ֆ դիզում, եւ տարիներից ի վեր մոռցւած, կեղտոտ, պատուած աֆիշի իր դէմքով՝ պաղատադին, երկնքից մահ է մուրում:

Այսօր, աշնանային քամին, երեք թառամած տերեւներ է բերել, օդի մէջ դարձնում է: Դեղին այգ պարը փողոցին կեանք է տալիս:

Բնակարանիս ճիշդ դիմացը միլիցիականների դրասենեակն է: Երբեմն, ոստիկաններից մէկը հրացանը ձեռքին բռնած դուրս է դալիս, մի քիչ ման դալիս, նայում է աջ, նայում է ձախ, յօրանջում ու ներս է մտնում:

Իսկ փողոցը դեռ երկար ժամանակ չարունակում է յօրանջել:

Տունը մէկ յարկանի է եւ քարաշէն:

Վերջ ի վերջոյ հաստատուն մի պատ է բազում պատուհաններով: Կարծես գլխին հրակայ մի հարուած է իջել եւ փորը կիսով մտել է հողի տակ: Վարը, փողոցի մակերեսի վրայ երկու ծակեր են բացուած, որտեղից լոյսը՝

փոշիի, անձրեւի եւ ցեխի հետ խառնուած՝ աղտոտած դէմքով ներս է խոժում եւ կտաւ հիւսող վանեցի դաղթական ընտանիքի շուրջը խաւար մատերով նշաններ է անում: Ընտանիքը չարացած աչքերով նայում է դուրս եւ միլիցիականի կոպիտ կօշիկներն է տեսնում:

Այն, որ անուանում եմ բնակարան՝ մեծ մի սենեակ է, նեղլիկ մի նրբանցքով փողոցի մուտքի մօտ: Ժամանակին ճերմակ ձեղունը տեղ տեղ վար է իջել, ուռել, անհանդիստ կոհակի պէս. պատուհանները պառաւ մարդու անատամ բերանի նման ազակիից զերծ են, տանիքը մեծ պղնձէ ամանների մէջ արցունքաթոր հեծում է, եւ քամին բոլոր անկիւններում խաղում է:

Ձուր, ալիւր եւ «Պորհրդային Հայաստան», պատուհանների կմախքերի մօտ մաքառում են հովի դէմ: Աշնան բոլոր չորացած տերեւները ձայնում են:

Տեղաւորում ենք:

Երկար դիմումներից յետոյ, երաժշտական ստուգեան դրկել է երկու մահճակալ: Ծօծում է մի համալ: Իսկ ես տեղաւորուել եմ մեծ մի սնտուկի վրայ, որի մէջքը դժբախտաբար կոլոր է եւ անգութօրէն կարծր:

Ձուանի վրայ լայն սաւաններ: Պատ՝ սենեակը երկուսի բաժանելու համար: Ննջարան, ընդունարան: Դաշնակ, նախկին սենեակում դտած, ու բոլոր արատների վրայ մի մի պատկեր, էնպէս՝ զեղարուեստական անփութութեամբ դամուած:

Մեծ հարց է խոհանոցի հարցը: Երկար վիճաբանութիւնից յետոյ, որին մասնակցում է ընտանիքի նոր անդամ իզդիրցի Սաթօն, որոշում է նրբանցքի կէսը յատկացնել ստամոքսային գործողութեան կարեւորագոյն այդ մասին: «Փողոցի դուռը կը բանանք եւ հոտը դուրս կը դնայ»,— ասում է Սաթօն:— «Մի վարագոյր կը քաշենք»: Հէշտ է ասել մի վա-